



21. september 2016

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Nunasisut kalaallinut ilanngutivitinnissaat pillugu nassuiaatip Inatsisartuni ilaasortanut sooq sulii agguanneqarsimanninneranut pissutaasoq pillugu apeqququma qaqugu aki-neqarnissaa naatsorsuutigisinnaavara? Aamma suna pissutaava Naalakkersuisut maanamut sapaatip akunneri sisamat atorsimammattigit eqqarsaatigalugu apeqququma qanoq akissanerlugu?

(Inatsisartunut ilaasorta Tillie Martinussen, Demokraatit)

Tunngavilersuut

Ulloq 20. maj Naalakkersuisut qinnuigaakka Nunasisut kalaallinut ilanngutivitinnissaat pillugu nassuiaat, 2015-mi upernaakkut ataatsimiinnermi Inatsisartut Naalakkersuisunut suliareqqusaat sumut killissimanersoq paasiteqqullunga.

Ulloq 6. juuni Naalakkersuisut akipput:

"Inuussutissarsiornermut, Suliffeqarnermut Niuernermullu Naalakkersuisoqarfiup ulluni mak-kunani nassuiaat piareersarpaat tamatumalu kinguinngua Inatsisartunut ilaasortanut agguak-kumaarlugu."

Isumalluarnarsimavoq tusarlugu: Nassuiaat naammassiliivissoq.

Kisianni eqqumiikkaluartumik susoqaqqinngilaq. Nassuiaat takkutinnngitsoorpoq. Ulloq 18. ag-gusti taamaattumik Naalakkersuisoq aperaara: *"Nunasisut kalaallinut ilanngutivitinnissaat pil-lugu nassuiaatip Inatsisartuni ilaasortanut sulii agguanneqarsimanninnera sumik pissuteqarpa aamma Naalakkersuisut qaqugu naatsorsuutigaat nassuiaat agguanneqarumaartoq?"*

Sapaatip akunneri sisamat qaangiupput aperigamali. Akinissamut piffissarititaavoq ullut qulit. Akissutisiassarali sulii utaqqivara.

Eqqumiiginarpoq Naalakkersuisut taama siviutigisumik eqqarsaatigeqqaartariaqarmassuk qanoq akissanerlugu apeqquq ersarissuq paasiuminartorlu. Piumasarigaluarpara sukumiisumik akis-suteqartoqassasoq, kisianni takorloorsimannngilluinnarpara, Naalakkersuisut aamma taama



sukumiitigisumik piareersassasut allaat sapaatip akunneri sisamat qaangiutereeraluartut sulii utaqqisariaqarlunga

Suna akissuteqarnissamut pisarissesuutaasimanersoq tusassallugu qilanaarpunga aamma nunasitsut kalaallinut akuliutivitinneqarnissaat pillugu nassuiaateqarnissap kinguaattoorneranut suna pissutaanersoq pillugu apeqqutima akineqarnissaa qaqugu naatsorsuutigisinnaanerlugu tusassallugu.